

KERATAN AKHBAR

(Bahagian Canselori)

Surat khabar: Utusan Sarawak (Stail)

Hari/Tarikh: 5/9/2016

Muka surat: m7

Tajuk : Unimas jalin kerjasama dengan universiti Jepun

Unimas jalin kerjasama dengan universiti Jepun

UNIVERSITI Malaysia Sarawak (Unimas) menjadi universiti pertama di negara ini pilihan Universiti Utsunomiya dari Jepun untuk mengadakan kerjasama dalam pelbagai perkara antaranya program perkongsian ilmu dan program

pertukaran pelajar.

Profesor Ekologi Perhutanan dari Universiti Utsunomiya, Tatsuhiro Ohkubo berkata, pemilihan tersebut berdasarkan beberapa perkara iaitu penyediaan kursus pembelajaran di UNIMAS yang menarik,

tenaga pengajar berkemahiran tinggi dan pelajar Unimas yang berkebolehan.

"Oleh kerana itu, kita datang ke sini (Unimas) untuk berbincang tentang perjanjian persefahaman yang mungkin boleh dimeterai untuk beberapa per-

kara seperti pertukaran pelajar, program latihan bersama dan sebagainya," katanya.

Beliau sebelum itu telah mengadakan pertemuan bersama dengan Timbalan Naib Canselor (Akademik dan Antarabangsa) Profesor Dr

Wan Hashim Wan Ibrahim sebelum meneruskan mesyuarat bersama dengan Pengarah Bahagian Hal Ehwal Antarabangsa UNIMAS, Profesor Madya Dr Soubakeavathi Rethinasamy, Profesor Dr Hamsawi Sani dan Dr Mohd Effendi Wasli dari Fakulti Sains dan Teknologi Sumber (FSTS) Unimas.

Sementara itu, Profesor Dr Wan Ibrahim mengucapkan terima kasih kepada rombongan dari Universiti Utsunomiya Jepun, kerana memilih untuk bekerjasama dengan universiti ini.

Katanya, adalah menjadi harapan Unimas untuk memperbanyak kerjasama dengan pihak luar terutama dari luar negara dalam apa juga bidang berkaitan untuk manfaat bersama.

"Menerusi kerjasama den-



PROFESSOR Wan Ibrahim (tengah) menyampaikan cenderahati kepada wakil dari Universiti Utsunomiya iaitu Tatsuhiro (kanan) sambil disaksikan oleh Profesor Soubakeavathi.

gan pihak luar, ia akan membantu mengangkat visibiliti pelajar universiti masing-masing," katanya.



TATSUHIRO (tujuh kanan) bersama pelajar-pelajar beliau dari Jepun bergambar kenangan dengan Profesor Wan Ibrahim (empat kiri) dan staf Unimas